

АССАЛАМ

assalam.ru

НА ЛАКСКОМ ЯЗЫКЕ

БУСУРМАННАЛ РУВХІАНИЙССА ККАЗИТ

№ 08 (92) август 2009-шин / Кказит буккайссар зуруй цал / рамазан 1430-шин. Багъа 15 къ.

БАРЧА БАВУ



ХХИРАССА УССУРВАЛ ВА ССУРВАЛ!

Дакнихтуну барча буллаи ура циняв бусурман агьлу мубараксса рамазан барз бучлавиришчал.

Хасну ттун ттунна дур члун лерххун нанисса кунна члалай, ца лахІза кунма лагай ца рамазан зуруя гамур рамазан зурул дянивсса мутта. Аллагъу Тааьланал цайва бивхъусса бурж щаллуну ва багъайкун биттур буллалима – алши бумари. Кьини дарчлуну дур ххюва бутлуйх: ца чак байхту, гамур бай члун дучланнин. Шингу бутрайх дарчлуну дур: рамазан барз бучлайхту мунил хъирив хІаж бур, хъирив – кьурбан биххаву, хъирив мухІаррам зуруйсса зумарду, яла мавлидрду дай барз. Жула оьрмулун низам – кьарал укунсса душиву – му жула гьунар бакъар, Му Аллагъу Тааьланал жува бусурманну ляхъан баврил арши-талихри.

Рамазан зурул циняв чачлун буллалиссар, архІал бацІан буллалиссар. Холодильник бувцлуну ягу бачІва биклу ва зуруй зума дугълагъиссар аваданминналгу, мискинминналгу. Каши дунан дакъанал хІал бувчлуну, мунаву рахІму-цими ххи буллалиссар. Аьрщарай оьрмулун неьматру жунма члумуйнуссар ва миннуя багъайкун неьмат ласунгу клулну бикІан аьркинссар.

Ххирасса бусурмантал, рамазан барз – жула организм марцІ дуккан дай барз бакъагу, бунагъиртая марцІ шай барзри, оьккимуния арх буцай барзри. Яла-яла, зума дургъуний жува жула къацІлива нанисса мукъул хъирив бавцлуну бикІан аьркинссару. Жула уссур-ссуннай аьй-бювкъурду дуллалисса ихтилатру буллан къааьркинссару. Мукъул дурсса цаву цлуцІимурди. Аллагънал хъьичІ цимурцаннухлу жавабру дуллантими жувару.

Ча тІий ура цинявнан ва барз Аллагъу Тааьланаха эбадатрай, дуарду дуллай, Кьурьан ккалай гьан бувансса цуллушиву, лагма-ялттуми ххари буллансса бюхъугу.

Къамул дуваннав Аллагънал бусурманнал дурсса цимурца ххуймур! Амин.

Дагъусттаннал бусурманнал РувхІанийсса идаралул председатель, муфтий АхІмад-хІажи АБДУЛАЕВ

ХХИРАССА БАРЗ

Рамазан зурул ххирашиву

Рамазан зурул хъьичІра-хъьичІсса хъьу дурклукун, Алжаннул хьулурду титІайссар, му гьаннин къалакьайссар.

Дуржагъирал хьулурду лакьайссар, му гьаннин къатитІайссар. ЩяйтІантал байщун байссар. Иблислуй къатІа бишайссар. Ливтлумий ххари шайссар, уттавамай рахІат шайссар. Оьшивуртту къачичайссар, хъиншивуртту ацІлийну чичайссар. Буцири бунагъирттал аьфву байссар. Аьзабрая ххассал байссар. Барачатсса барзри.



Муниву бувсса ца париза-ларду чІаруссар, хъиншивуртту, хъуншивуртту чІаруссар, хъиншивуртту, хъун-буссар. Мунивусса фазий-шивуртту гьарзассар. ►► 4

ХХИРАССА ХЪХЪУРДУ

Лайлатул-Къадрилул хъхъунил ххирашиву

АцІния кІивагу зурдардиву яла Аххирамур барз – рамазан барзри. Мунил хъхъурдардил яла ххирамур хъхъугу Лайлатул-Къадрилул хъхъури.

Мугу рамазан зуруй цумур хъхъу дуссарив мяълумну къакІулссар. Куннал хъьичІра –хъьичІсса хъхъури тІар, куннал ацІния арулку хъхъури тІар, куннал махъсса ацІрагу хъхъурдардивури дусса тІар.

Миннувугу я къуния цалчинмурди, я къуния шамулчинмурди, я къуния арулчинмурди, я къуния урчІуйлчинмурди. Цания-ца дикІан ихІтималссар (бюхъайссар) тІий бур. Кунналгу тІий бур, рамазан барз аьлхІат хъхъуну ккак-

карча, къуния урчІулку хъхъу дикІайссар. Итни хъхъуну ккаккарча, къуния цаку хъхъу дикІайссар.

Тлат хъхъуну ккаккарча – къуния арулку хъхъу дикІайссар. АрбахІ хъхъуну ккаккарча – къуния урчІулку хъхъу дикІайссар. Ххамис хъхъу ккаккарча – къуния ххюку хъхъу дикІайссар.

Нюжмар хъхъу ккаккарча – къуния арулку хъхъу дикІайссар. Ххуллун хъхъуну ккаккарча къуния шамулку хъхъу дикІайссар тІий. ХІасил, му мяълум къадурну, къюлтІ дурссарагу, му тІлав даншиврул чІарусса хъхъурду уттара дуллай, чир хъунмасса хъуншиврулли.

Му дикІайсса хъхъунил аьлапатгу, му хъхъу я хъиннура дяркъусса, я хъиннура гьелисса дакъа, дянивсса, паракъатсса хъхъу дикІайссар. ►► 3

Ва номерданий:

2	ЦІУССА ХАВАРДУ Ціусса мизитру	3	ХЪИНСА АЬМАЛУ ТаравихІрал чак	4	РАМАЗАН ЗУРУЛ ХІУРМАТ Зума дугъаву	5	БАЙРАМ Зума ритавал къинилул ххирашиву	7	ИХІСАН Рижалул гъаибин
---	----------------------------------	---	----------------------------------	---	---------------------------------------	---	--	---	---------------------------

ЦУССА ХАВАРДУ

Цусса мизитру Лаккуй


Август зурул 8-ний Лакрал райондалийсса Чарттал шяраву хьунни мизит титтаврин хасьсса мажлис.

Мажлисрайн бивкун бия ДУМД-рал вакилтал, Махлчкьалалиясса, Москвалиясса, лагма-ялттуса щархъаятуса. Барчаллагъ увкунни мизит бан кумаг бивминнан. Бивкминнал барча бивна Чарттал жямат цусса мизитращал. Мажлис кьуртал хьуну махъ, жамаатъгу хьамалгу бивххун, ахттайн чакгу бивну, зикри-мавлудругу дурккуну, дуаьртту дуруна.

Мукунма, август зурул 9-ний, Гьущиял шяравугу цусса мизит тивтунни. Дагьусттаннал Бусурманнал Рувхнийсса Идаралул зултрал ва Шяраваллил жяматрал хьукмулийну шикку имамну ивтунни цала шяраватусса

– Хажимухаммадов Хусман. Идавсил ❁ хладисраву бур: «Мизит бан кумаг бивсса инсаннан Аллагнал Алжаннаву чьальъ бан-

тиссар» – тий. Аллагнал чьаву баннав жула лакрал шяраваллаву, щала Дагьусттаннайгу мизитру, мадрасартту. Амин!



Гьумуксса хьунабакьаву



Цала вязалува Гьази-Гьумучиял имам Саламов Мухаммадлул бивсунни нарко-

Август зурул 6-ний Гьази-Гьумучиял шяраву Дагьусттаннал Рувхнийсса Идаралул зултрал шяраваллил жяматращалсса хьунабакьаву хьунни. Учин аьркинни, ва хьунабакьаву дувавриву Лакрал райондалул администрациялул бакичитуралгу хьунмасса хьарачат бивунни. Мажлис бачин бивну бия администрациялул актовий залдануву. Мажлис тивтунни администрациялул бакичинал Мухаммадов Юсуплул.

тикирттал, хан хьачаврил, кьалиян учаврил инсаннан цуксса хьунмасса зарал биян буллай буссарив. Дагьусттаннал муфтийнал кумагчи Мухаммадов Кьурамухаммадлул бивсунни вагьгабизм бьякьусса ххуллу бушиву, ва му ххуллийх кьагьаншиврул гьарца бусурманчунан ци кьулну биклан аьркинсарив. Мажлисрайн бавтминнайн хьунмасса асар биян бивунни Ахьушиял райондалийсса Хьуллал шяраваллил имам Бахларчиев

Нурмухаммадлул вязалул. Му бия гьарца шяраваллил имамталгу, жяматругу цацун хьуну, архьал зун аьркиншиврун хас бивсса. Мажлисрал ахирданий аьлимтал бия суллахьхьун жавабру дуллай. Мукунма, махъ бусан ччиманхьхьунгу мукунсса ихтияр дуллуну дия.

Мажлис лавкьунни Мухаммадов Юсуплул, ва укунсса хьунабакьавуртту вания тихуннайгу дуллансса умуд бивхьунни.

Дюкьуллал шяраву

Июльданул 24-ний Рутуллал райондалийсса Дюкьуллал шяраву хьунни шьябан барз байбишаврин хас дурсса мажлис-мавлд. Шяраваллил жямат бакьасса, мажлисрайн бивкун бия лагма-ялттуса шяраваллаватусса, Лакрал райондалийсса, Махлчкьалалиясса, ва мукунма цаймигу кьантурдаясса хьамал.



Мажлисрайн бивкминнал хьхьичи вяза-насихлат бивна Дюкьуллал шяраватусса Бахларчиев Нурмухаммадлул. Гьибат (махъа гьалгъа тьуттаву), пахру, кибру (дакь хьуншиву), оьжбу (цана цува ххирашиву), рияъ (ккаккиялунсса аьмал), хьасад (дакь мяшшиву) дусса инсантурал кьокьаврияту, миннал бивсса аьмаллу Аллагнал кьамул кьабайшиврия бивсунни ванал. Бивкминнавух бия: Лакрал ва Ккуллал район-

найсса «Ас-Салам» кказитрал вакил Массуев Аьлиасхьаб, Рутуллал райондалул имам Ибрагимов Аьдиль-Хьажи, Дагьусттаннал Муфтийнал кумагчи Тагибеков Сулайман, Котровалиясса мизитрал мудун Хьасаналиев Хьусайн.

Ва шяраву, кьива зуруйсса практикалий ивтунни ДИУ-лул студент Шьябан Шьябанов. Умуд бур ва мажлисрал барачат цайми лакрал шяраваллайну биянсса.

Амин!

Ва Дуниял кьадиртунни Майкл – Микаил Джексоннул

Оьрмулул 50-лла шин хьуну, Дунияллия лавгун ур Американал машгьурсса балайчи Майкл – Микаил Джексон, нюжмар хьхьуну, 25 июндалий, Лос-Анджелесрал клиникалий. Уссил бусаврин бивну, Микаил инжит хьуну ур хамис кьини, ахттайн чак бивну махъ. Цаппара хьаллава, га хьин уллай ивкьсса хьакьиннал тасттикь бивну бур, Микаиллул кьокь дарц^ушиву.



Цинянан ххирасса, ца дурксса балайчинал Ислам кьамул дуршиву баян бивну бур декабрьданий 2003 шинал. Джексоннул кулпат бивкун бур «Свидетели Иеговы» тисса диндалуха зузисса. Джексоннул уссил Джерменнул Ислам кьамул дурну диркун бур 1999-ку шинал.

Маккалин хьаж бивну махъ, га чьавусса буслай ивкун ур уссихь Исламрая. Майкллул Ислам кьамул дайхту, христиантал ганахун бахчуну

бур, ххуллу кьабуллай, ганал концерту дукьан дуллай, судрайн уллай.

2005-ку шинал циняппа тахсирду ганая букьан бивну бунугу, ганал ду-дакьашиву яларай дагьну дур. Бурж бивну бур 100 миллионна-

лийн, мунин бивну, баххан багьну бур Калифорниялийсса кьатта.

Майкл Джексоннул Ислам кьамул дуллалиний увкун ур Калифорниялул бусурмантурал имам. Имамнал хьирив шагдада дуклай, Майкл щяв щяивкун ур чивийсса кьяласса кьяпагу бакьрай бивхьуну. Микку ганан дуллуну дур цусса ца – Микаил. Ганал баян бивну бур, цала яла хьунмур Лу – Кьурьан бушиву. Микаиллул наркотикру аьркин буллай ивкьссар тьуттаву, щялмахьри. Бюхъай ганан наркотикру буллай бивкун биклангу, ганангу кьакьлулу. Уссил бусаврин бивну, махьсса шиннардий Микаил кьатлув кьауклай ивкун ур. Га ялапар хьанай ивкун ур Бахрейнай цала дусначла ва уссичла, чьавусса буклай ивкун ур Исламрая: «Исламраяр ххуйсса дин дакьассар», - тий ивкун ур. Аьрасатнал муфтийтурал председателнал жижара бивну бур Микаиллул мачча-гьанминнан:

«Ссавур дулуннав», - куну бур вай кьурчисса гьантрай. Щаллагу Дунияллийсса Джексон ххирами га ивчаврий вих хьун хьанай бакьар. Микаил Джексон увчуну ур, ганал васиятрайн бивну, бусурманнал аьдатрай. Американаву чьавусса бур Ислам кьамул дуллалиясса. Миннуву чьавумий бур хьунисса кьуллугьру бивгьусса, хьхьичлуннайшивуртту дурсса спортсментьтал, музыканттал. Дунияллий яла гуж бума боксер Мухаммад Аьли – бусурманчуври. Артист Уилл Смит, Мухаммад Аьлинаятусса кинораву бакьчийну гьуртту хьусса, бусурманчуври. Ислам кьамул дурну дуссар чьавусса цаймигу чемпионтурал, артистьтурал ва ученыйтурал.

Микаил Джексоннул кулпат бивкун бур. Ятинну ливчлун бур шама оьрчи. Джексон ивкун ур дакь хьинсса, инсаннал увкумунин вих шайсса, ка чумартсса. Аьпа баннав цал, Алжаннуву льякьиннав! Амин!

ХХИРАССА ХЪХЪУРДУ

Лайлатул-Къадрилул хъхъунил ххирашиву

1 ◀◀ Хъхъурай Лайлатул-Къадри диркӀун, кӀюрххил буккайсса баргъгу кӀялану, нур чанану бикӀайссар. Му хъхъуну Аьрщул-РахӀманналул лувату арулцӀалла пардав ххя дурккун ита дакъайссар дунияллийн, тахӀта-ссаралийн (лурдалурсса аьрщинийн) дияннин. Му чӀумал гьарца задрал, уртту-щинал, аьрщи-чарил Аллагнайн сужда байссар. Му хъхъуну ккаччил хӀапгу къачайссар.

Му хъхъуну, Аллагу Тааьланал му шинаву, ялун му хъхъу дучӀаннин, дунияллийн халкъуннавун багъантисса амрурду, хӀукмурду, къазӀаьру гьарца инсантурал, жиндардил, хӀайвантрал, ущу-щулгӀилул дуканмур, хӀачӀанмур, данмур, дитанмур, хӀатта гьарцаннил зумату дуккантисса жуав, бигъинтисса ссихӀ, ласунтисса ша, миннал риз-къирду, ажаллу, аьмаллу, ивчӀантима, къашай хъунтима, хъин хъунтима, му шинаву лачӀунтӀицири гьарал циксса лачӀунтӀиссарив, бантӀицири марххала, бищунтӀицири марч, хъунтӀицири дяркъу, дикӀантӀицири кӀиришиву, ххяхантӀицири уртту, хъунтӀицири къама, хъунтӀицири ахъулсса, гьарца му шинаву хӀасул хъун тӀисса амрурду, хӀадис (хӀасул) хъунтӀицири хӀукмурду, къадар буну азалданува лавсун дафтарду (чичрурду) дувайссар.

РахӀматрал, аьзаврал, миннун лархъхъуминнул дафтар Жабраил малаикнахъхъун булайссар. Уртту-щинал, бакӀлахърулул, миннун лархъхъумунул дафтар Мийкаил малаикнахъхъун булайссар.

Гьарал, дякъил, мурчал, бургъил дафтар Исрафил малаикнахъхъун булайссар. Къашайшиврул, ивчӀаврил, мукунминнул дафтар Эзрииллукъхъун булайссар. Минналгу, минний бусса куццуй Аллагнал хӀукмурду нани байссар.

Утти, му Лайлатул-Къадри тӀалав дан, му дикӀайссар тӀисса хъхъурду уттара давугу суннатссар, хъунмасса даража буссар. Хаснува, мизитраву иьтикафрай авцӀуну, зикри булла, чакру булла, дуьртту дулла, Заннайи леххаву тӀий. Мукун бовсса чанмургу салихӀсса, хъинсса аьмал АллагначӀа азарва цайми зурдайдий бовсса аьмалнир хъинссар. Дуьлукъхъун жаваб дулайсса хъхъу-



ри. Му хъхъуну чӀявуну – «Аллагъумма иннака аьфуввун, тухӀиббул аьфва, фӀаьфу аьнний» – учаву хъинссар, жаваб дулаврил сааьтравун (чӀун, лахӀза) тӀайла бавцӀуну жаваб дулун. Му хъхъуну кӀира ракаат чаклил дарча, АльхӀамдалул хъирир ару-аруйлва къулгъугу бувккуну, салам буллукун арулцӀарийлва «Астагъфируллагъ ватубу илайгъи»-гу увкуну, муналгу, мунал нитти-бутталгу бунагъирттал аьфву байссар. Алжаннаву хъунмасса неьмат, чӀолушиннагу хӀадур дайссар. ИвчӀайний, му цанма Алжаннаву хӀадур бовсса неьмат, клантту чӀалану бикӀайссар. Му хъхъуну шамийлва – «Лаилагъа иллаллагу МухӀаммадун-Расюллагъ» – чирча, цаннийну – мунал бунагъирттал аьпа байссар, цаннийну – дуржагърая хассал айссар, цаннийну – алжаннавун ухайссар. ХӀасил, му хъхъунил ххирашиврул ца чансса хӀаллай эбадат дуллай ацӀарча, мунил даража АллагначӀа хъунмасса-

Му хъхъуну, ссавруннайсса малаиктал лухччинийн ликкайссар. Ссавнил хъулурду тӀитӀайссар. Жабраиллул кӀирагу нурданул хъару машрикь-райнгу, магърибрайнгу дияннин халкъуннал ялтту тӀитӀи дакъайссар. Му хъхъуну ссаврунная ца цими ликкайссар, му цими Жабраиллул гьарца уттавацца икӀу, ивкӀусса икӀу, муьминтурайх бачӀайссар. Миннан биял

хъуну ххишаламур цин булуви куну Жабраиллул Аллагнахъ суал байссар. Аллагналгу, му хъхъуну бовсса оьрчӀан була чайссар, чапуртурал бухъурчагу. Мунийну, мий чапуртурал оьрчӀру бусурманшиврий литӀайссар – куну. Ялагу му хъхъуну ссаврунная мукъва ттугъ ликкайссар ца-цаннищӀал арулцӀала малаикгу аьрхӀалну. Ца – ливауль-хӀамд тӀисса цӀа даврил ттугъ, ца – ливау-р-рахӀмати тӀисса рахӀму баврил ттугъ, ца – ливауль-карамат тӀисса хъуншиврул ттугъ, ца – ливауль-магъфират тӀисса аьфву баврил ттугъ. Гьарцаннийгу чивнуну буссар: «Ла илагъа илла Ллагъу МухӀаммадун-Расюллагъ». Му, ца хӀамдирал ттугъ бищайссар ссавнил ва лухччинул дянив. РахӀматрал ттугъ бищайссар БайтуЛлагърай (къяба), караматрал ттугъ бищайссар Байтул-мукъаддалив. Аьфву баврил ттугъ бищайссар МухӀаммад идавсил гьаттай.

Мий малаиктуралгу гьарца хъунавкъусса муьминчунахъхъун салам булайссар. Миннал къатравунгу бовххун, шанакъашиманакъхъунгу салам булайссар. Аллагъ кӀицӀ лаглагиманакъхъун Жабраиллул салам булайссар. Чак буллалиманакъхъун Аллагнал ссалам буллайссар.

Му хъхъуну, чани аьлтту дукканин, мукун ссалам буллай бикӀайссар мий малаиктал.

Зума личӀайсса задру

Чаннал асар загъир хъанан бивкӀун махъ, баргъ лавгшиву исбат хъуннин лякълувун зад гьарча, ча гьарчагу, зумух гьарчагу, къункъух, вичӀилувух, бакӀравун гьарчагу, аьвратравун гьарчагу, мукъахун гьарчагу, зума личӀайссар.

ХӀатта, тӀагъарат байний, кӀиссурал бакӀ мукъахаллил вив гьарчагу личӀайссар. ЩарссаничӀа утту ивхъуну

шариаьт барчагу личӀайссар. Утту къаивхъуна махсара-хъярч буну, ягу клунттиву тӀааьн буну шагъват буккарчагу личӀайссар. Амма щяйтӀаннул ххихху ивтун (хъяврив уву), ягу пикрилийну, ургаврийну буккарчарив, къаличӀайссар. Щарсса хӀайз хъурча, оьрчӀ барча, личӀайссар. Бусурманчув муртад хъурча личӀайссар. Ахпув, ххян зумув дурккун махъ, зана риртун дюкьарча личӀайссар. Амма, къакъарттул бакӀраяту дюкьарча къаличӀайссар. Къасттирай кларчӀ учирчагу личӀайссар. Цала ихтияр дакъана учирчарив, къаличӀайссар. ЧӀюмпи дюкьаврил къаличӀайссар. Амма, къацӀлива къатӀув дурккун махъ дюкьарчарив, личӀайссар. Чаклийн

иссайний къункъув, зумув цин ларсун вив гъан дарча, карчӀаншиву дурну, хъиннура гивуннай диян дуллай уна гьарча – личӀайссар. Акъахъурча къаличӀайссар.

Гъуслу буллай уна, вичӀавух, къункъух, зумув вив цин гьарча, цалла ихтияр дакъана – къаличӀайссар. Къалиян учаврийну личӀайссар, пуркӀу вив гьарча.

Къасттирай ккарччухунсса дюкьарчагу личӀайссар. Гужрай зад дукан арча, хӀачӀан арча, ягу увгъуну зумух рутӀирча къаличӀайссар. Зума дургъушиву къакӀулну, хъама риртун зад дукарча, хӀачӀарча къаличӀайссар, циксса дукарчагу. Мукунма хъама бивтун шариаьт барчагу къаличӀайссар.

ХӀАМӀС


Аллагу Тааьла тӀий ур. «ХӀакъну, ттул лагънал цала шагъватгу, къариртунни Ттул цӀаний, зумагу Ттунни, ганих жазаьгу (воздаяние) На дулунна»

ХЪИНССА АЬМАЛУ

ТаравихӀрал чак


ТаравихӀрал чак – Рамазан зуруй хъатӀан чак буну махъ байсса чакри.

Мунир махъ чани дукканнин мунил чӀунгу дуссар. Мунил, яла жунна дан ххирамургу мяйра ракааьтри. КӀи-кӀира дуллай салам буллай данссар, мунил дянив дуккаймургу дуклай. Къура данссар тӀийгу бур. Мугу жамааьтрай бан суннатссар. Цалвалу бангу бучӀиссар. Хъиннува анаварну бангу къахъинссар, чирч чан шайссар. Тавазуьрай (паракъатну) баву хъинссар. Му цуппагу суннатун-муаккадри (гужсса, цаьк бовсса суннатри). Идавсгу ялув авцӀуну личӀан къабитлай буллай ивкӀиссар. Хъунмасса чирч буссар. ХӀатта, хъхъичӀра-хъхъичӀсса хъхъуну таравихӀ бумма – ниттил лякълува увсса чӀумал куна бунагърая марцӀ шайссар. КӀилчинмур хъхъуну бумманал – нитти-буттал аьпа байссар, бусурмансса бухъурча. Шамулчинмур хъхъуну – бувкӀун аьрщирал лувату малаикнал оьвчӀайссар, – «Ина аьмал АллагнахӀлуну бува, вил аьфву бовссар» – куну. МукӀулчинмур хъхъунугу бумманан Таврат, Инжил, Забур, Фуркъан бувкуссаксса чирч буссар. Му куццуй, гьарца хъхъуну личӀи-личӀийсса даражартту, чирирду буссар, на лахъи къабав. Хъирирда-хъирирвсса хъхъунугу бувкун Аллагу Тааьланал учайссар – «Я Аьбдий, ттул лагъ, ина дуки алжаннул ахъулссания, маул кавсарданул щингу хӀачӀи, На вил Аллагъра, ина Ттул лагъра» – куну.



Рамазан зурул ххирашиву

1 ◀◀ Дуаълухъхун жаваб дулайссар. Садакъя кьамул байссар. Тааьтру ххирассар. Эбадат кьамулссар. Ливтумий неьматравуссар. Хлатта, мунивусса гьарца сся-траву царан хлакъ хьусса ряхттур-шазарва бак тархъан битайссар. Му хисаврай, зуруй тархъан бивтссаксса ца Лайлатул-Кьадрилул хьхьуну тархъан битайссар. Мий цаняв уксса ца эдрал кьинигу тархъан битайссар. Махъра-махъсса хьхьуну ссаврду, лухччив, малаиктал аьтун биклайссар, ххирасса умматиннан мюнпат бусса барз лагаврий. Мунил аввал (дайдихъу) – цимири, дянивалу – аьфву бавур, ахир – царая тархъан битавур. Хисил, му рамазан барз шинал дакьри, му саламат буну мунил хурматгу бурувчуну, Аллагъ клици лагавугу, тааьт-эбадатгу



чярусса дурну, жамааьтрайгу ялув авцуну, Кьуръангу чявуну буклай, иьтикаф чяруну дурну (мизитраву щя иклаву), хларамсса, оьккисса задругу кьабуну бусурманчувнал хлажатгу барт диргуну, дуаьрттугу чярусса дурну садакьарттугу чявусса буну, ххуйну тйайла буккарча, щалла шингу саламат шайссар (зарал кьабивну личайссар). Му шинаву бувцири буна-гьиртталгу аьфву байссар. Ялагу, му зурул ххирашиву – Кьияматсса Кьини му барз ххуйсса суратрай бувукун (ххуйсса куццуй тйайла бувккун), Аллагънал хьхьичи суждалиин багъну, Аллагънахъ чи чинтиссар цилва хурмат бурувчумий. Аллагъналгу: «Буца вилва хлакъ бурувчумий» - чинтиссар. Яла мунил, му рамазан зуруй зума дугълай, мунил хурмат бурчлай бивкмиий ка дургуну, Аллагънал хьхьичи буну, вайнай хьуншиврул таж биша куну Аллагънахъ чи куну бишинтиссар. Ялагу, Аллагъу Тааьланал ца малаик ляхъан увну уссар мукъра лажин дусса. Ца лажиндарая ца лажиндарайн бияннин мукъзарда шинал ххуллу бусса. Миннул ца лажин Аллагънайн суждалиин дагъна дуссар, ца лажин – Аьршу-р-рахманнайн дуругуну дуаь дуллай дуссар, рамазан зуруй зума дугълай бивкисса Мухаммад идавсил ☞ умматиннал аьфву ба, рахму ба тий. Цагу – Алжаннавун дуругуну дуссар, мивун увхманансса хьинбала тий. Цагу – Дуржагъравун дуругуну дуссар, гивун увхманансса аьзаб, оьбала, тий. Хисил, мунивусса хьинбаларттугу, барачатшивугу киллссания халкьуннан щаллара шин му барзну дусса хьурдай тунссия.

ХХИРАССА БАРЗ

Зума дугъаврил суннатру, карагъатру

Зума дугъайсса адаминал кюрххицунсса дукаву суннатссар, кьадуркуну дугъавунияр, цуксса чансса дукарчагу. Хлатта, ца ххув щинал чирчагу. Агьлул-китабрал зумалулгу жулла зумалулгу дянивсса личишиву мунийнури дусса. Махъ дукавугу сунатссар, хьхьичинияр, чани буккаврищал кьадагъарча. Чани букканнин чансса хьхьичи дуркуну, кьацигу марци баву хьинссар. Канай, кьацливу зад дуна чани буккарча, мугьлат бакъа кьатлув личин аьркинссар.


Мукунма, щарссанил ялув шариаьт буллай уна буккарчагу мугьлат бакъа учанссар. Мукун барча му зума дурусъссар. Чани бувкривав, кьабукривав тий шак хьурчагу, кьадукаву хьинни. Щин ялувманал, чани букканнин щинавун учлаву хьинссар. Махъ учларчагу зарал бакъассар. Баргъ лавшиву мяйжан шайхту зума ритавугу суннатссар, махъ ритавунияр. Хлатта чак баннин зад дукавугума хьинссар. Чассагу ритавугу суннатссар. Му бакъахьурча щинай хьинссар. Амма ва заманаву щинай ритаву суннатссар. Мунияр

шубгъа бакъасса, хлалалсса хьус дакъа тий. Зума дитайний: «Аллагъумма лака сумту ва аьла ризкьика афтларту» - учаву хьинссар. Зума диртукун, лирчимур хьирив ляхъан, чярусса дукра дукавугу карагъатссар. Цама зума дургъусса инсаннан зума ритансса зад дулавугу суннатссар. Мунал дургъусса зумалул чириксса чире зад дулланангу биклайссар. Зума дургъусса адаминал кьуру бизаву, оь бищаву, ахттая махъ сивак дуккаву, хламмавраун уххаву, чявусса шанашаву кьахьинссар. Шагъватрай хьанних ургаву, ппай тий хьарч-

Зума дугъаву

Исламрал рукнурдал мукьилчинмур рукну – Рамазан барз бугъавури. Гьар цилла шартирдащал, рукнурдащал, адабирттащал, кьамул хьунсса куццуй дурусну рамазан барз кьабугъарча, ислам барт кьалагайссар. Му бусурманчувгу кьашайссар. Утти, му зума дугъавугу шанна куццуйсса дуссар: шаръэйсса, тарикьийсса, хлакьийийсса.

Шаръэйсса зума – шинай цал бучайсса рамазан барз бугъавури, дукавугу кьадуркуну, хлалалсса кьахларчуну, цайми зума личайсса зад кьадуркуну. Му зума ялув даврил хикматгу – Адам идавс (аь.с.) Алжаннавун авкьукун, мунал миву мадукара увкусса мурхьирая ахьулсса дуркуну, мунал лякьлуву зувица гьантлий ливчиссар му бувкусса лукьма. Яла Адамлул тавба дурну, Аллагъналгу кьамул дурну махъ, Аллагъу Тааьланал амру бувссар зувира хьхьу-кьини зума дургуну иклу, зад мадукара куну, му мурхьирая дуркусса задрал асар гьаннин. Мунал зурриятрайгу (наслулийгу) ялув бувссар мукунма шинай зувица гьантта барз бугъан хьхьурдащал, хьхьу-кьини цал дакъа зад кьадуркуну. Яла Аллагъу Тааьланал, Мухаммадлул ☞ умматиннан бигъа бан, дяхтта дугъан хьхьурай дитан амру бувссар. Ялагу, му ялув даврил хикмат – Аллагъу Тааьланал инсаннал чурх ляхъан бувукун, мунихъ увкуссар Аллагъу Тааьланал: «**На цура, ина цура?**» – куну. Чурххал увкуссар: «**Ина ина ура, на на бура**» – куну. Яла Аллагъу Тааьланал мунил аьзаб дуллуссар ттуршра шинай Дуржагърал царайну. Яла буккан буну царавату суал бувссар мукунма. Гава куццуй увкуссар ялагу. Ялагу ттуршра шинай ккашил царавун бавкьуссар. Ялагу



буккан буну суал бувссар: «**Ина цура, на цура?**» – куну. Яла увкуссар му чурххал: «**Ина ттул Аллагъра, на Вил лагъра**» – куну икьрар дурссар (муклу хьуссар). Мукун, ккашийну бакъа инсаннал чурх мютий кьавхьуну тий, ялув дурссар зума. Масала, инсаннал чурх цинма ччикун, читари цинна ччимур дукрагу канай, дакьгу кьанкьа хьуну, Аллагъу дакьини кьаагълай, хлусудшивугу зияда хьуну, му айкьин ан щяйтлан буххайсса чурххавунсса ххуллурдугу гьарта хьуну, бунагърал увцуну иклайссар. Му чурх, яла, зума дугълай ккашил бувукун, дакьгу кьукьлу хьуну, хлусудшивугу яла ларгун, Аллагъ дакьини агьну, мунайн тавбалийн кьура авну бунагърая марци шайссар.

ХИРАССА

Ражаб – ттул умматрал барзри, шьябан – ттул барзри, Рамазан – Аллагънал барзри

махсара буллалаву хларамри. Дукавугу кьахларчуну, кьахларчуну, кьункьув, зумув щин ларсун хьиннура гивуннай диян даву карагъатри. Нахлусса, кьанкь дусса задрин ссунтл учаву, дукралуха зузаву, дукаймуних уругаву карагъатри. Щялмукьуй, гьибатрай, мюнпат бакъасса, оьккисса каламрая маз бурувчуну иклаву хьинссар. Цайми-цайми хларамсса, карагъатсса иширттаяту урувчуну иклаву хьинссар.

Дачира, зад кьадукаву кьагъассар. Гьарца базугу оьккисса задирттаяту буруччин ялувссар. Циксса халкьри, зума дугъаврияту бачива ккашил шавугу, мяк шавугу дакъа, чире хласул кьашайсса! Цахьва цама карагъатсса калам буллай гьалгъа тисса ухьурчагу, на зума дургуну ура куну мунаяту арх хьун аьркинссар.

Мунийну мунал чурххавун му айкьин ан буххайсса щяйтланул ххуллурдугу кьума хьуну, бавщуну, буххансса ххуллугу кьалякьайссар.

Тарикьийсса зума тлурча – цалва гьарца базу хлараммунияту, мабара увкумунияту бугъавури. Яру – хларамсса задирах бургаврияту буруччавури, маз – гьибат, бугътанналия, щялмахърая, ламмамшивруя, миннун лавхьхьусса цайми задирттаяту буруччавури. Мукунма, вичи оьккисса задрах вичидишаврияту дуруччавури. Ка – щинчлав зарал баврияту дуруччавури. Чан – хларамсса кланайн бачаврияту буруччавури. Мукунма, гьарца базу хлараммунияту буруччавури. Гьарца рияърая (ккаккьялун дуллалаву), сумаьтрая (машгур хьуну ччаву), хлусудшивруя (цанна дакъа, цама цана кьаччиманан дунияллул хьиншиву, хьуншиву, хьус, хьинбала, неьмат буллуну кьаччай), такабуршивруя (цана цува цайминнаяр хьунману, хьинману, лавайману члалачлаву), миннун лавхьхьусса гьарца кьовкьусса тлудлаяту марцину иклавури. Му тарикьийсса зумалулгу ца члун дакъассар, дургъунассар. Мий задирттаят уруччирча, му зума шайссар. Минния цавагу барча, му зума личайссар. Мугу салихисса оьббадтурал (эбадат дуллалисса лагътурал) даражари.

Хлакьийийсса зума тлурча – цалла дакь дугъавури Аллагъ акъасса цамур зад ччаврияту, дуниявийсса пикрирдаяту, оьккисса нийятраяту. Хьус, хьуншиву, Аллагъ акъамур зад ччива куну дакьини багъаврияту айщавури. Мугу идавстурал, сиддикьинтурал (тйайласса инсантурал), мукъаррабинтурал (Аллагъначан гьанминнал) даражари. Мударажалийн кьаияйссар Аллагъ акъацири цимурца кьадиртун загьид кьавхьуссаксса (загьидшиву-дуниял кьаритаву). Ца чанссарагу зад ччива куну дакьини багъарча, му зума личайссар.

БАЙРАМ

Зума ритавал кьинилул ххирашиву

Аллагу Тааьланал эдрал кьини даврин савав, ахиратлул кьини дакнин дагъаншиврулли.

Гьарца эдрал кьини дуркьукун, дуняллий халкъ кув ххарину, кув пашманну, кув ххуйсса канай, хуйсса ларххун, кув оьккисса канай, оьккисса ларххун, кув бахьтта, кув бурттий, кув аьтий, кув хьай биклайсса кунма, Кьияматсса Кьинигу мукун бикантиссар. Хлатта, муьминчувнал эдрал кьинирду му дакъасса, ххюра цаймигу дуссар. Ца – цалва бунагъ къабувну, муния марцуну ларгсса кьинири. Цагу – шагъадат дуртун имандалий ивкьлусса кьинири. Цагу – ссират лавхун кьуртал хьусса кьинири. Цагу – Дуржагърая хассал хьусса, Алжаннавун увхсса кьинири. Цагу – му неьмат цанма буллусса Аллагъ кьавккун, мунах урувгсса кьинири. Яла хьунмур эдрал кьини мури. Му кьини дакъа муьминчувнан рахьматшивугу дакъассар. Му зума ритавил эдрал кьинигу хьинну ххирасса кьинири. Хлатта, Аллагу Тааьланал Алжан му кьинири ляхан бувсса. Тлуба тисса Алжаннавусса яла хьунмур мурхь му кьинири бившусса. Жабраил малаик вахюшиврин ихтияр увсса му кьинири. Мунивусса фазиларду (хьиншивуртту) чьаруссар. Му кьини хьинсса амал баву, Аллагъ чьавуну кьичи лагаву хьинссар. Дуаьлухьхун жаваб дулайсса, аьфву байсса, Аллагъ цимилийну уругайсса кьинири. Му хьхьуну, баргъ



лавгун махь, эдрал чак булланин кьичирттаву, мизитирттаву, къатраву, чу бухьурчагу, такбирду бишавугу суннатссар, баянну оьв куну, эдрал кьинилул аьламат загьир дуван. Му хьхьу уттара давугу хьинссар, шанан къавкьлун, тлааьт дуллау.

Цумурдунугу эдрал кьини, эдрал чак баннин мукьттуршва: **«Ля илягъа илла Ллагьу вахьдагьу ля шарика лагьу, лагьул мулку, ва лагьул-хьамду хьихь ва юмиту ва гьува аьла кулли шайин къадирун»** - учирча, – мукьттуршва бак тархьан бивтссаксса чьир буссар. Мукьттуршра хьурлуьэнгу алжаннаву

мунал щарну дикантиссар. Миннун лавхьхьусса цайми даражарттугу буссар. Му эдрал хьхьу дуркьукун, циньяппа муьминтурал рухьру ссаврунная лухччинийн лирккун, цалла къатрал лагма щя диркьлун, лагмара ккуранну дурну оьвтлун диклайссар, инсантуран къабаярчагу: **«Жугу, зу кунма дуняллий вай къатрал, мий хьуслил заллухьруну бивкьссару, жугу дакнийн багьияра, жухьлуну садакъагу бара, жул гьаттай зияратгу бара, жунгу жува бувсса хьинсса амал бакъа къалявкьунни»** - тий диркьлун кьорххилнин, яла цалла кьанайн кьура

РАМАЗАН
Рамазан зурувусса хьиншивуртту кьулссания лагьтуран, ттул умматран ччанссия Рамазан барз щала шинай лахьи лавгун

даяйссар. Миннал гьаттайн зияратгу бувну, миннахлу садакъагу барча, ххарину тирх тий лагайссар. Кьабарча, пашманну лагайссар. Му кьини ливтлуниннал гьаттайн зияратгу бувну, минная садакъагу бувну, ххуйсса янагу ларххун, ххуйсса хьалалсса дукра дурну кулпатрангу, махьминнангу аваданшивугу дурну, кунначан кув зияратрайгу лавгун, хьалалшивугу ласаву хьинссар, ссуннатссар. Амма, му кьини чьарусса дукра дуркуну, чьарусса хан хьарчлун, оьккисса махсартту, хьярчру буллау, иблис рязий бувну, Заннан сси бизан баву къахьинссар. Хлатта, гьарца эдрал кьини иблис льянатуллагьнал оьвкуну цилва аьрал бавтлун учайссар: **«Хьакьину Мухьаммад идавсил умматиннал аьфву байсса кьинири, зу хьарачат бара, мий дукралухун, хьачиялухун, махсара-хьярчирахун машхул бувну, аьсившивуртту дан бувну, Аллагьнан сси бизан бансса»** – куну.

Мукун, му бувкьукун, му кьини мий дукралухун, хьачиялухун аьсившивурттаун машхул хьуну, иблис рязий бувну дургьусса зумагу зия мадарача. Аллагъ рязий хьунсса, хьинсса амаллу чьавусса бувача.

Зумалул ххирашиву

Зума дугьаву – Имандалул мукьва бутлул ца бутлар. Ссавурданул дачьир, эбадатрал кьулар, тлааьтирттал (хьинбаларттал) гьанур, Аллагьначан гьан шаврил ххуллури. Мунивусса фазилартту (хьиншивуртту) чьавуссар. Хлатта, зума дургьусса инсаннал зуматусса къанкъ Аллагьначла мискирал къанкънир нахьлуссар. Цайми тлааьтирттал амаллу халкъуннан кьаккайссар, чьалачиссар, кьулшайссар. Зума Аллагьнан дакъа къачьалачиссар, кьул къашайссар. Батинийсса (кьюттисса) амалли. Занная нигьа увсманал дакъа къадугьайссар. Занналгу цаллагу дянивсса эбадатри. Муниину чурххал шагьват гьагьайссар, дакнил гьава лещайссар, Аллагъ дакнин агьайссар, щяйтлан, иблис арх шайссар, эбадатраин гьира багьайссар. Кьияматсса Кьини дирзун, халкъ бизан бувукун, Аллагу Тааьланал учинтиссар Ризваннухь – Алжаннул ялув ацлухь: **«На зума дугьлай бивкьсса халкъ гьаттавату мякьну, ккашилну бизан бав, Алжаннава дучан да»** - куну. Яла Ризваннул оьв куну алжаннул кьуллугьчитурайн: **«Нурданул тьабакьру (ланжартту) дурцуну алжаннул ахьулсри, хьачия ласияра»**, - куну, мий ларсун бучайссар.

Эдрал чак

Кивагу эдрал чак баву – Исламрал кьаьламатирттаятур. Мий бавугу суннатун муаккадар(гужсса суннат).

Идавсгу ялув авцуну буллау ивкьссар. Хлатта, фарзу-кифаяр (жамааьтрава цаннал буварча, гайминная къабаврил бунагъ яла багьайсса бурж) тийгума бур. Му жамааьтрай баву суннат баврил сававу му ххирасса кьини халкъ кунначан кув бавтлун му чакгу бувну, дакьругу цачлун дурну, ххавхмийгу дакъил хьуну, хьалалшивурттугу ларсун ялтту бучларча, миннай Аллагьнал цими ликкайссар. Хлатта, муьминчунан лайкъ бакъассар му чаклия ххавхманачал дакъил къавхьуну гьан, ца шарьейсса оьзру бухьурча бакъа. Мий баврил чьунгу баргъ бивну махь ахтайн бизаннинни. Яла ххирамур члун баргъ чансса гьаз хьувкунни. Мизитраву бавугу хьинссар. Кьума хьанай бухьурчарив, авлахьрай баву хьинссар. Миккун гьарча такбиргу бивхьуну гьанссар, миккун бияннин. Цалвалу буллау ухьурча, хутьба къабувна банссар. Мунилгу кьира ракааьт дайссар. Му байсса куцгу: **«Нийят дурунни на зума ритавил эдрал чаклил кьира ракааьт дан суннатсса Хьунасса Заннайн Аллагу Акбар»** -



куну бахьинссар. Имамнал хьирив буллау ухьурча, имамнал хьирив чинссар. Кьурбаннулсагу мукунмари. Яла **«Важжагьту»** дуккинссар. Ялагу Аллагу акбар куну кару гьаз дурну, **«Субхьаналлагьи вальхьамду лиЛлагьи ва ля илягъа илляЛлагьу ваЛлагьу акбар»** учинссар. Хьхьичьмур ракааьтрай аруйлава такбир бантиссар бахьаврилсса бакъасса, цал бувну цал баннин мий махьру учинтиссар. Яла Альхьам буккинтиссар. Кьилчинмунийгу ххьулва такбир бантиссар, ивзун най уна увкусса бакъасса, гайва махьругу учинссар. Яла Альхьам буккинссар. Хьхьичьмур ракааьтрай **«Кьаф»** ягу **«Саббихьисма»** буккинссар. Кьилчинмуний **«Икьтараба»** ягу **«Гьал атака»** буккинссар. Яла салам буллукун, ивзун хутьба банссар нужмар хутьба кунмасса. Хьхьичьмур

булланин урчийлва Аллагу акбар чинссар, хьиривмур булланин аруйлава учинссар. Му байни акбар-къаматгу къаучайссар. Шамийлва: **«Ассалата жамиагь»** учинссар. Му чаклийн нанисса адаминал гьуслу бавугу суннатссар. Мунил чьунгу хьхьу дачи хьувкун духхайссар. Ххуйсса марцисса янна лаххаву, чьолу шаву, нахлу къанкъ даву суннатссар. Михьру къувьаву, чурх марц баву суннатссар. Кьурххилва бучлавугу суннатссар. Бахьтта, хьаллих бачаву хьинссар. Имамрив, чак бан члун хьувкун учанссар. Учлайхту, бугу булланссар. Хлатта, суннатгума къабанссар. Хьуни хьами бучлавугу суннатссар. Амма, чьолу къавхьуна бучанссар. Увкьсса ххуллийх къакьура авну, цамунийх кьура авну лагавугу суннатссар, чьир хьунмассар.

ИСЛАМ ВА МЯЪРИПАТ

Патимат ХІАМЗАТОВА

«Аллагънайн мютІиймур ягу Иблислух вичіи дирхъумур?»

Дайдихъу хъхъичіи номердай

Цукунсса чІалачІин дикІан аьркинссар хъамитайпалул?

Ва аьрщарайн дурккун диркІссания царагу Алжаннул хъамитайпа, щалла дунял дуцІинссия эмаратсса алжаннул къункьал. Ганил чанна лахъан данссия гьарзад, магъриблия машрикълин дияннин. Ганил бакІрай дархІусса карщи ххуйри ва дунялгу, ва ванивусса гьарзаднигару.

Душнил оьрмулуду хъхъичіи – чак бан къабучіисса, зума дугъан къабучіисса, Къуръан канил бугъан къабучіисса ва м.ц. ишру бан къабучіисса къадагъалул гьантри бувкІукун, ганил чара бакъа аьркинссар цила чІарарду кІучіи дан, карщи руртуну, щалва чурх бахълагіисса янна лаххан аьркинссар, лажин ва кару личІаннин. Амма, оьрмулуду чІявуну хъуна бакъай, чак буллаліисса, зума дугълагіисса, хІажлингума лавгун бунува, янна багъайсса куццуй къалахлахисса, хІажлия бувкІун махъгу, карщи бакІрая дукълакисса хъами. Мий тий бур: «Исламрал ккаккан бувмур биттур бан бигъар, ялун чІалачіисса шариатрал тІалав буллаліимуніяр». Ванин бувну, бучіир учин, цаппарасса хъаннин муксса захІматну бухъукун, хъинну хъунмасса чири хъунсар. Амма, карщи ххуйну дутан лавхъхъуну махъ, гай ялунгу ххарину рутлан бикІай карщив, личіи-личіийсса рангру дурчІлай. Карщи руртуну хъинниха парикмахерскийрттайх лечлаяр, ду-дакъасса накъичругу бакІрай дуллаяр. Шиккува учиннача, бакІрай карщи дусса хъаннил чІарардугу дикІан аьркинссар хъиннура марціну, тимар дурну. ХІжаб, карщи хъанай дур Аллагънайн мютІиймур мютІий бакъамунія, мукунна, бусурман дакъамунія личіи буллаліисса лишанну. Цаппаранная баяй: «КІулли жун мий зул карщив, карщал лув лариртун буссару чапалсса давурттив, сау-



Ассалам-фото

налувун лаглагиминнайгу дур мийра карщив». Ттун мукунсса хъами къакІулли, бухъурчагума, хъиннугу хъинну чансса бушиврий дакі дарціуну бура. ХІатта, мукунсса миннангума биял хъанай бур аькьлу вай мукъурттил мяъна дурчІин: «... ванилгу буруччинтІиссар вай къюкьин бавурттая». Миннал цала исват бунни, карщул, хІжабрал мий мяърипат дакъасса хъами буручлай бушиву. Мукун бакъассания, миннал хІжаб къалахханссия. Цалсса, на кІул хъура, кулпатраву ца ниттил бакъа чак къабайсса душнищал. Мунингу тарив хъунна бавал лахъхъин бувну буну тий буллая бия. Циларив, цила оьрчІан Аллагъанан эбадат дуллан лахъхъин бувну бакъая. Аллагънал мукун бивхъуну бур му иш, ганил хъунмур душ цуппа буллан бивкІун бур чак, хІжабгу ларххуну дур цилла. Циняв бивкІун бур ганихъ: «Ина щилчІав цар къабучинтІиссара, хъунмавхъу душну личІантІиссара» - тий. Миннал аьй-бюкьурдах къабурувгун, ца чансса хІаллава, цаннал хъирив ца букІлан бивкІун бур га цан булара тий, аммарив, ганил цавагу къамул къаувну бур. На цІухлаххикун, циванни мукун къамул къабуллаліисса, кулпатравусса иш-тагъаргу захІматну дунура, га мукІру хъунни, куртІну дакІниву хъинну ххуй излазисса оьрчІи ушиву, ганан хъун ччай бушиву. Цаппара хІаллава, ттуйн хъатІуйн оьвкунни, тунгу талихІрайсса жалин ххал хъуну, бувчІунни, цукуннугу, га оьрчІал цуппа буциннин ссаур дуршиву. Вана укун. Агана, циняв инсантал цацІун хъурчагу жунма чивчусса къадар личіи бан, цІунція дан, хъинбала бан, цичІав баххана бан къабюхъантІиссар. Мунин бувну, агана, ниттил цинма ччинан булурчагу душ, кІачІагу

бувну, ганал ябагу къабитанссар, Аллагъанан ччан къабикІарчан. ХІжабрачІансса дяъвикаршиву, мунил иш къакІулсса инсантурал дикІай, яла-яла гъинттул. ХІазран бакъая на хІжаб лархсса чІумал (кІинттухунмай) лагма-ялттумий тІисса: «За бакъар, ялугъланну гъи дучІаннин, буруганну ганил кІиришиву цукун духІайрив гай цала хІжаб-янналуву». Учинна, гъинттул хІжаб лаххан хъиннува тІааьнну дикІай. Бургъил кІирисса тІинтту тІайланна щилай дакъар хъаннил бурчуйн. ЦІуниціа, бусурман янна хъанай дур ганин дуруччай хІурнину. Ттун, гьарца суалданул медициналул чулухалугу интерес бизлазисса, ччай бия муния духтуртал ци тІий буричІул хъун. КІул хъунни, янналул кІучіи бувсса чурххан, бурчу онкологический цуцІаврил зарал биян баврия бурувччуну бушиву. ТІайланна щилащисса бургъил тІинттал инсаннал тІивтІусса бурчуй ракрал клеткарду гьарта-гьарза буллаліиссар.

Ялавагу махІатталмур – «Вин кІирину бакъарив?» цІуххай кІинттул капроннаву, кутІасса юбкадаву, бакІрай карщи дакъа заназисса душарал. Аллагънал буруччиннав гайннахъ цІуххаврия: «Зубяхълай бакъарув?» - куну. Гайннал зухъ учинтІиссар: «На аьдат хъуну бура, ттун дяркъу дакъар». Душрив цуппа бур някі лавгун бавціуну зурзу тІисса мурччащал. БувчІлай бакъар, ссал цІанийри кІинтнищал талайсса, чурххан зарал биян буллалаву чІалай бунува. КъакІулли, балики му щин бунугу ххуйну бухъунссар, аммарив чІявуссаннан язугъ шай мукун кІачІасса душ ххал хъуний кІинттул чІумал.

(Гухунмайгу буссар)

Таржума Гъумаюннул

АДАБ



Зумалул шартІирдал адабру

Утти, му шаръэйсса зума ялув шаврингу,
дурус шаврингу цаппара шартІру дуссар:

– Му зума дугъайсса инсан бусурмансса икІавури. Чапурчунал, муртаднал зума дурус дакъассар.

– Балугъ хъусса икІавури. Аціния хъюра шин къархъунай зума ялув дакъассар. Амма, арулла шин хъувкун, дугъи куну амру банссар. Аціра шин хъувкун къадугъарча, рищун бучіиссар. Аціния хъюра хъувкунгу къадугъарча, танмихІ банссар дуснакъ увну, цамур танмихІ бувну, гужрай дугъан анссар.

– Щарссанин – хІайз, ницасрая марціну дикІавури. Чак ливчІусса, оьрчІи бувсса щарссанил зума дурус дакъассар, марці хъуннин. Зума дургъуну дуна, хІайз ялун биярча, ягу оьрчІи барча, му зумагу къадурусъссар. Мукун лирчІисса зумарду хъирив лахъанссар.

– Дугъан каши дусса, тІакъат, къувват дусса икІавури. Хъиннува хъунав хъусса, заэвсса, къашайсса, дугъарча чурххан зарал хъанахъисса инсаннай зума ялув дакъассар. Чан-къансса лякъа, бакІи ций бур кунуричІу, ритан къабучіир. Чак кутІа байсса, лахъисса ссапарданий нанисса адаминайгу ялув дакъассар, ритан ххуллу буссар, яла хъирив лахъан. Му ссапарданий дугъаврийну, чанссавагу чурххан зарал хъанай, заэв хъанай ухъурча, ритаву хъинссар дугъавунияр. Къахъанай бухъурчарив, дугъаву ххирассар. Лякълуву оьрчІи бусса, ккуккулий ттихъайсса оьрчІи бусса щарссанингу ритан ххуллу буссар, я цинма, я оьрчІан дугъав-

ХІАМ

Зума дургъусса
инсаннан
дуссар кІира
ххаришиву:
ца – зума
ритайний, цагу –
Аллагънащал хъуна
акъайний

риву зарал хъанай бухъурча. Мукунма, ца гъалак хъуну нанисса хІайван, инсан ххас-сал аншиврулгу ритан дурусъссар, къариртун ххассар ан къабюхълай бухъурча, хъхъиривун оькълай, ягу неххал лавсун най, ягу цамур савав духъурча.

Утти, му парийзасса зума дугъайсса инсанналгу хъхъурайра нийят дан аьркинссар. Мунил чІунгу – баргъ лавгун махъ чани дукканнинни. Я мунияр хъхъичіи, я мунияр махъ дурну къадарусъссар. ХІатта, оьрчІал зума дугъавай ухъурчагу, муналгу дан аьркинссар. Му чІумал нийят дан къархъуну, хъама риртун личІарча, му зума къадурусъссар. Хъирив лахъан аьркинссар. Амма му къини зад дукан къабучіиссар. Рамазан зурул хъхъичІра-хъхъичІисса хъхъуну нийят дарчарив, му барз щалва бугъан куну, нийят дан хъама рирт-сса къини дургъусса зума муниину дурус шайссар. Му нийят дайсса куцгу: «**Нийят дурунни на зума дугъан гъунттии ва щинал Рамазан зурул парийза тІайла буккавриятусса, Хъунасса Заннан Аллагу Акбар**» – куну данссар. Аьдилсса адаминал барашинна дурну, барз ккавкшиву исбат къавхъуна, щаккирай зума дугъан къадарусъссар, рамазан зуруятусса хъхъичІарагу дугълай ивкІун суннат зума дугъарча дакъа. Амма, къунну барз ккавккушиву хІакъну исбат хъурча, щаккираву уну зумагу къадургуну, му къини зад къадуркуна икІаву ялувссар, мунил хІурмат буруччин.



ИХИСАН

Дайдихьу хьхьичими номердай

Килчинмур бакI

ДакI хьуншиву – цавура дусса ххуйсса хасиятирттах ургил буллай, цува цайми инсантураяр лавай чалачла-вури. Му азар хьин дан аьркинссар цайнма ургил къабуллай, язугьминнах акъа къауруглай. Цайминнах, бюхттулминнайн куна уруглай, Кьурьандалуву ва хIадисирттаву дакI хьунминнай ай-бюкьу дурну душиву дакIнин дутлай, мукунна Аллагнал хьуншивугу, дакI душивугу дакIнин дутлай. Вай клирагу хасият Аллагнал дакъа, хас дакъашиврийн ургил дан аьркинссар.

Бахилшиву – му хьус харж дан къаччишивури. Му хьин даншиврул кIулну бикIан аьркинссар, хьус харж даву – яла ххуймур эбадатгу Аллагнай нигьачлавугу душиву. Мунийну лагь Аллагначлангу гьан хьанахьиссар, инсантуран ххираманугу шайссар.

Гъази-Гъумучатусса шейх Джамалуттиннул

"Адабул марзия"

Килчинмур бутIа – нафс лайкъ дакъасса хасиятирттая марцI даврия, ва ххуйсса сипатирттайну чIюлу баврия



Ци-дунугу хьиннура чIярусса ччишиву (алчность) – хьинбалалух ялугьлай икIавури, ганийн ихтияр дакъанна. Му хьин даншиврул, кIулну икIан аьркинссар,

чIярусса ччай душиврия хайр бакъашиву ва зарал бумуния ххассар къаайшиву. Мукунма, муния цукунчIавсса хьинбала бакъашиву ва мунил ахиргу къадаршиву ва нач дакъашиву душиву кIулну икIан аьркинссар. Му хьин даншиврул Аллагнал чичру думур цичIар савав дакъанна дучIайшиву, чичру дакъамур азарийлла ччай духьурчагу къадучIайшиву кIулну икIан аьркинссар.

Аьшаришиву (похоть) – му адаминал чурххал хьамитайпалул чулухунмайсса гьавасри. Му гьавас лагь байссар дукра чанну дукаврийну, чIявуну зума дугьаврийну. Мукунма, ххуй-ххуйсса дукрарду къадукаврийну, Аллагь чIявуну кIицI лагаврийну,

шайхтурал, сиддикьинтурал (тайламиннал) гьалгьа тIутIини, Аллагь вила хьирив авцIуну ушиву кIулну икIаврийну, хьаннищIал ва жагьилминащIал дусшиву даврия уруччаврийну.

КурчIилшиву (леность) – му кIивагу оьрмулуя талихI къамул къабавури. Му хьин даншиврул, курчIилми – хьаврин хьуми ва махIрумну ливчIми бушиву кIулну икIан аьркинссар. Мунийту, хIарачат бусса инсантуращIал дусшиву дан аьркинссар, Аллагнайн эбадат дуллалисса загьидтуращIал икIан аьркинссар.

Нигьаусаву – чара бакъадан аьркинмуния махьунай шавури. Му азар хьин даншиврул кIулну бикIан аьркинссар му къюкьин аврил ва инсантурал мазралун

ХИЯМИС

Цуманал тIайла дуркрив байрандалул хьхьу Аллагнахлуну, ганал къюкI къадирчIантIиссар, цайминнал къюкIру литIлатисса чIумал

агъаврил савав душиву, бивкIурдал ажаллугу личи буну бушиву (хIукмурду буну) кIулну бикIан аьркинссар, нигьа усаврийну гайннуя мурахас хьун къашайссар. Мукунма кIулну бикIан аьркинссар, чумартшиву – яла ххуймур инсаннал хасият душиву.

Дуниял ххирашиву – цинярда хьус цачIун дансса хIарачатри. Му хьин даншиврул бивчIин аьркинссар, дуниял ххирашиврул хьус чIяру къадайшиву. Хьус чIяру шайссар Аллагнал дулаврийну, Ганал хьиншиврийну. Дуниял ххирашиву, цинявпагу хатIарттал гьану бушиву кIулну икIан аьркинссар.

(Гухунмайгу буссар)

Рижалул гъаибин

Дайдихьу хьхьичими номердай

Утти, му къутIбул-гъавшиврийн лавхьманан цIагу Аьбдуллагь дикIайссар, цума ухьурчагу, ци заманнай ухьурчагу. Мунан гьарца сиррийсса (къюлтIсса), цайминнан кIул бакъасса задругу кIулну бикIан аьркинссар. Аьдилшивугу камилсса акъа къаикIайссар. Му цувагу дунияллий ца акъа икIан имкан бакъассар (къабюхъайссар). КIия-шама ухьурчагу миннан цаннан ччимур цаннан къаччай фасадшиву, фатратшиву (заэвшиву) загьир хьанантIиссия. Мунийтури имамул-аьзамгу дунияллий ца акъа икIан къабучIисса. Амма, му къутIбул-гъавснал канихь арула къутIбу цаймигу бикIайссар, мунал амрулийну тасарруфшиву (каялушиву) дуллалисса. Мигу мукъа – маликий, ца шафий, ца хIанафий, ца хIамбалий мазгъабраясса. Мий арулагу акътабтурал канилу цаппара цаймигу халкъ буссар, миннах бурувгун тасарруфшиву дуллалисса. Ялагу ахIваллу камил хьусса макъаматирттайн лавхьсса цума ца валийнайнгу къутIбу учин бучIиссар, мунал кIанттаву, мунал заманнаву мукунсса цама акъасса

кIанай. ХIатта, гьарца икьлимрал, гьарца билаятрал гьарца шагьрулул, щарнил ца-цакъутIбууссар, къутIбулгъав акъасса. Миннайну Аллагьу Тааьланал цалла-цалла чулухалу, цалва-цалва шагьру, щар дуруччайссар, чапуртал бухьурчагу. Мукунма гьарца къюкьлун ца-ца къутIбу икIан аьркинссар, ца оьббадтурал, ца зугьгьадтурал, ца мутаваккилийнтурал. Му къутIбул гъавсгу цумарив, цукунсса икIайссарив, чув икIайссарив, чIявуми валийтурангума къакулссар. Мунал пиша - къюлтIну, халкъуннан кIул къахьанай икIавури. Личи-личийсса иширттай икIайссар. ХIатта, ку чIумал савдажарну, ку чIумал муххал усттарну, ку чIумал хьуру даххуну, ку чIумал личи-личийсса пишалий икIайссар халкъуннавух хIала, миннан кIул къахьурчагу. Кувгу бур, му къутIбул-гъавс ссавруннайсса я Ися идавсри, я Идрис идавсри, ягу лухччинийсса Хизрив, ягу Ильясри, тIий. Амма, хIакьикъатрай, му къутIбул гъавс Расуллагьнал рухIри, Къияматсса Къини дзаннин. Турлийну загьир хьусса имамтураягу икIайссар му къутIбу, Абу-Бакар, Оьмар, Оьсман, Аьли кунма. Цалва заманнаву мигу хIакьсса акътабтал бивкIссар. Мукунма, кIиягу «Имамайн»-



Ассалам-фото

гу, мукьагу автадталгу ца буссарив кIул къахьанахьиссар халкъуннан. Имам Шафийэри, автадтуравацца ца ивкIссар. Арулагу абдалталгу лухччиния арулва икьлим буну, ца-ца икьлим ца-цаннан буну, цалва-цалва икьлим миннайну бавцIуссар.

(Гухунмайгу буссар)

СУФИЙТУРАЛ БУСАЛАРДУ

Шама уссу лавгун бивкIун бур Шамлив, Аллагнал ххулий гъавазат буллан, ва мий ясирну биривну бур Румнал паччахIнахьхьун. ПаччахIнал увкуну бур миннахь: «На зу тархьан банна, хьусгу дулунна, ва ттулва душру зун щарну булунна агар хач-парасшиву къамул дарча» - куну. Гай рязийгу къавхьуну «Я МухIаммадагьу» тIун бивкIун бур лахьсса чIуний. Гайнаясса кIия, паччахIнал щаращIисса нагьливул бутун бур. Шамулчинманавун нигь дурхшиву ккаккайтту, икьавкIуна къаивтун ур, цалва душ ганайн мусаллатI буну бур. Га душгу бивкIун бур, ккаккан, ганияр ххуйсса душ дунияллий бакъасса кунмасса. Жагьилчурив, дяхтта зума дугьлай, хьхьурай эбадат дуллай айкьин къаацIлай ивкIун ур. ГанацIа душнингугу Исламрахасса ччаву дагьну дур дакIивун. Ца хьхьуну гай ливтIусса цала уссурвал бивкIун бур малаиктуращIал, ва гайннал дянивугу магьар бивхьуну бур. Ваналгу цIувххуну бур «Зу та дунияллий цукун буру?» - куну. «Вин ккаккмур жул бакIрачIан бивкIна, Аллагналлив жу Фирдавс Алжанувун буххнан бувру. ВичIангу Аллагналлу жу гьан бувсса, му зул магьарданул бардултну» - куну бур гайннал.

Аллагнахлуну хIараммур къариртумур Аллагнал хIалалну дулайссар, тий бур хIадисраву.

СУАЛ – ЖАБАБ

БучIиссарив Рамазан зуруй, дяхтта, щин-дунугу дукра, щин дуллан?

Рамазан зуруй хIарамссар щин-дунугу щин, дукра ягу ци-дунугу хIачIия дулун, бусурманнан дикIу, чапурнан дикIу. Дукра ягу хIачIия дулун бучIиссар зума дугьан къабучIисса бусурманнан. Масала, чаклил къадагьалул гьантри бивсса хьамитайпалун, ягу къашавайсса инсаннан, ягу сафарданийсса инсаннан. («ТухIфатуль-мухIтаж»).

Цайми динналул агьулданий Рамазан зуруй зума дугьаву ялувну диркIиссарив?

Цаппарасса аьлимтуврал тIимунийн буну, Рамазан зуруй зума дугьан цайми динналул агьулданий ялув къабикIссар. Рамазан зуруй зума дугьаву – му жула умматрал хасшивури. Аммарив, цайми аьлимтурал тIимунийн буну, Рамазан зуруй зума дугьаву цинярда диннал агьулданунгу ялувну дуркIссар.

Иудейтурал Рамазан зуруйсса зума къадиртун, мунил кIанай зума дугьлай бур ца Аьшураьлул-къини. Христиантурал Рамазан зуруй зума дугьайсса диркIссар. Амма, Рамазан барз кIирисса чIуннайн бивкIсса чIумал, миннан захIмат хьуссар зума дугьан. Му чIумал, миннал аьлимтурал хIукму бивссар инттул чIумал зума дугьан, ялун ацIва гьанттагу ххи буну цалва бивсса хIукмулун каффаратран (бунагь багьишла битаншиврул дулайсса аьчIа). («ФатхI-уль-Аьллам»).

СУАЛ — ЖАВАБ



**Зунма цѳуххин ччисса,
Исламрацун, шариатрацун, кулпат-
рал багъу – бизулуцун бавхусса ва
м.ц. суаллу гъан бан бюхъайссар,
SMS – райхчин ва номерданийн:
8-988-699-46-79**

Лакрал мадраса



Хѳурмат лавайсса уссурвал ва ссурвал!

Хѳакъинусса кьини диндалул мискиншиврвату буккан-шиврул жунма лахъхин багълай бур тѳайласса Исламрал гъанурду, Исламрал элмурду, бачин багълай бур, буттал буттахъая шинмай нанисса хѳакъсса Исламрал диндалул ххуллийх, жулва жагъилсса оьрчѳру бѳайкъусса экстремизмалул ва вагъгъабизмалул ххуллийх кьагъаншиврул. Альхѳамдулиллягъ, хъунасса Аллагънал ﷻ цѳимилийну, ва Дагъусттаннал мусульмантурал диндалул Идаралул хѳарачатрайну, Махѳачкъалалив тѳивтѳунни лакрал мадраса, щайх Мухѳаммад-Аьрифлул цѳанийсса Дагъусттаннал Исламрал Университетрал филиал. Дуккаву кьуртал дурну махъ буллай бур кѳива диплом – религиозный ва светский. Миву бур факультету: теология, дунияллул экономика, лингвистика, филология, ва мукунма цѳаймигу. Му институт бѳувккуну махъ ласлай бур кѳива диплом: исламрал ва, светский. Мадрасалуву дур хъинну ххуйну я хъанансса тагъар: украсса дуккаву, исламскийгу светскийгу, уквасса общежитие, украсса дукра дукаву шаннагу чѳумухсса. Хѳурмат бусса лакрал жамя! Жува яхъанай буру цѳана хъинну захѳматсса чѳумуву. Чѳявумий халкъ бур хъуслил хъирив хъап-шап тѳий най, Аллагъ хъама ивтун. Хъинну чѳярусса арцу дуллай оьрчѳру дуклан бакълай бур институт-тирттавун. Экзамену, зачету, дипломру машан ласлай бур. Дурккуну махъ, даврий бацѳан бангу арцурду дуллак багълай бур. Амма миннавату хъинну чансса буклай бур за кѳулсса, цѳалва пища кѳулсса специалистѳтал. Ялув кѳиц лавгсса куццуйсса, уквасса, дуккин бюхъайсса кѳанттурду бунува, нитти-буттал цѳалва оьрчѳру дуккин буллай бур багълух, цѳайминнал оьрчѳаяр махъун кьабагъаншиврул. Жу дакѳнихтуну миннат буллай буру, гъан бувару зула оьрчѳру дуклан жул рувхѳанийсса мадрасалувун. Муниву буссар хъунмасса мюнпат мий оьрчѳангу, зунма нитти-буттангу, лагма-ялттунангу.

Жула Идавсил ﷻ куссар: «Элмулух луглан буржри цѳияв мусульмантуран», - куну. Ва хѳадисраву кѳиц лавгсса «элму» тѳисса мукъул цивунна жѳам дуллалиссар Исламрал, шариатрал элмурду, цѳийхчин Аллагъу Тааьла кѳул ан бюхъайсса.

**Жул адрес:
ш.Махѳачкъала, ул. Добролюбова 16е
Тел: 8-928-559-84-96**

Лакку «Ассалам» ялу-ялун ххуй хъанай бур. Зун тѳайла бацѳу! Бучѳиссарив ка дуллуну салам булун бухѳлунттул ялтту? Имамтал бакъаний Ккулу-Хъусрахъ халкъ исламрайн цукун буцлави, вахѳултрал ми бѳайкъин бувайхха?

8-988-...27


Къатлувусса инсаннахъхъун хъулух авцѳуну ка дулун кьабучѳиссар тѳисса зад шариатраву бакъассар.

Ккулу-Хъусрахъ дѳиклу, цѳайми лакрал шѳяраваллаву дѳиклу, элму чанну дур, дурагу дакъар чин бучѳир. Дин кьѳакѳлуну тѳийри вагъгъабистал шайсса. Амма, вагъгъабистал хъанай бур тѳий, халкъ Исламрайн буцаву кьаритан кьабучѳиссар. Исламрайнгу буца, тѳайласса эѳтикадгу лахъхъин дува. Бувчѳин буварча, кьабувчѳайсса цуцѳав кьѳаикѳантѳиссар. Вингу Аллагънал тѳайла бацѳу.

Ттуца цукунчѳав чакру цѳила-цѳила чѳумал бан хъанай бакъар, кѳюрххѳицун ва хъатѳан чѳак личѳаннин. Вайми чѳявуну хъатѳан чѳаклищѳл бара. Ттухъ бур мукун чакру буллан бунагъссар тѳий, мукуннир бувагу кьабувну хъинссар тѳий. Му тѳайлассарив?

8-963-...43

Чѳак цѳила чѳумал кьѳабаву бунагъри. Чѳак кьѳабувна чѳун дуккарчан, бюхъайссаксса чѳяни хъирив лахъан ялувссар. Хъирив кьѳалавхъуна ивчѳарча, цѳа кьѳабивтѳсса чѳаклихлу арулцѳалла шинай дуржагъраву икѳантѳиссар. Мукуннир, бувагу кьабувну хъинссар тѳутѳаву кьѳатѳайлассар. Чѳак цѳила чѳумуй кьѳабаву бунагъри. Бувагу кьѳабаву хъиннува хъунмасса бунагъри. Алжаннавун уххарчангу, цѳила чѳумуй кьѳабувну тѳий, чѳаклихсса чѳири кьѳалякѳинтѳиссар. Бувагу кьѳабувну кьѳабитарча, Дуржагъравун утантѳиссар.



Бусурманчѳувнай зума цѳи оьрмулуву ялув шайссар?

Бусурманнай зумагу, чѳакгу ялув шайссар балугъравун ивсса чѳумуяцѳа. Балугъравун кьѳабивсса мѳюрщѳисса оьрчѳай зума дугъаву, ягу чѳак баву ялув бакъассар, аммарив, нитти-буттал мий 7-лла шинавун бѳияхтуну мий зумарду дугълагъи бан аьркинссар, чѳакгу буллѳали бан аьркинссар, агана миннаца

бюхълай бухъурча. Оьрчѳан 10-ра шин шайхту, нитти-буттал, миннал бакѳрайн ласун бан аьркинссар чѳакгу, зумагу. Оьрчѳал чѳак кьѳабуллай, ягу зума кьѳадугълай бухъурча, нитти-буттахъ ихѳтияр дуссар миннан танмихѳ бан (шириаѳтрал тѳисса куццуй). Мукунма, щѳарссанил чѳак кьѳабуллай, ягу зума кьѳадугълай бухъурча, ласнай ялувссар мий гъарзад дуллѳали бан. («Фѳатхѳуль-Аьллам»).

Бучѳиссарив рамазан зуруй хъѳтѳи бан? Барчѳаллагъ.

8-988...20

Шариатрацун бавкъусса, хѳан дакъасса, хъами-арамтал хѳала шаву дакъасса хъѳтѳи бан бучѳиссар та барчангу. Амма, Рамазан зуруй буллай бухъурча, дѳятта, зума дургъуну бусса чѳумал хъхъичѳ дукра дѳишаву хѳарамссар, зума итаракъай чѳун дучѳаннин.

Бусурманчѳув акъасса инсаннал дургъусса зума хѳисавссарив?

Бусурманчѳув акъаманал, ягу муртад хъуманал зума кьѳахѳисавссар. Аммарив, чѳапурчѳувнал Ислам кьѳамул дуварча, чѳапурсса чѳумал кьѳаритѳсса зумарду хъирив лахъан мунай ялув бакъассар. Муртад хъуманнин, чѳара бакъа, муртадну ивкѳисса чѳумал кьѳаритѳсса зумарду хъирив лахъан ялувссар.

Рузнама

СЕНТЯБРЬ

дни	утрен. Ас- Субхѳ	восх.	обе- денный Аз-Зугър	после- обед. Аль-ѳаср	вечерн. Аль- Магъриб	ночн. Аль- ѳишаъ
1	4.27	6.12	12.49	16.31	19.30	20.59
2	4.29	6.12	12.49	16.30	19.28	20.57
4	4.32	6.14	12.48	16.28	19.25	20.54
6	4.34	6.17	12.47	16.26	19.21	20.50
8	4.37	6.20	12.47	16.24	19.17	20.46
10	4.40	6.22	12.46	16.22	19.14	20.42
12	4.43	6.24	12.46	16.20	19.10	20.37
14	4.46	6.25	12.45	16.17	19.06	20.32
16	4.49	6.26	12.44	16.15	19.02	20.27
18	4.51	6.28	12.43	16.12	18.58	20.24
20	4.53	6.32	12.42	16.09	18.54	20.20
22	4.56	6.34	12.42	16.08	18.52	20.16
24	4.58	6.36	12.41	16.05	18.48	20.13
26	5.01	6.37	12.40	16.02	18.44	20.09
28	5.03	6.39	12.40	16.00	18.41	20.06
30	5.05	6.41	12.39	15.57	18.38	20.02

Зунттал районнай чѳак байссар 15 минутрал чѳалну.

Учредитель

Благотворительный фонд «Путь». Газета печатается по согласованию и одобрению Духовного управления мусульман Дагестана

Редакционный совет

Председатель редакционного совета муфтий РД Ахмад-хаджи АБДУЛАЕВ
заместитель муфтия РД Махди-хаджи МУТАИЛОВ

Главный редактор

Патимат ГАМЗАТОВА

Редактор

Сайфулла МАГОМЕДАЛИЕВ

Канонический редактор

Сиражуддин КУРЪАНОВ

Корреспондент

Гумаюн КАЛЛАЕВА

Менеджер

Мухаммад ХИРИЯСУЛАЕВ
Халидасхаб МАМАТХАНОВ

Компьютерная группа

Асият ХАНОВА
Ахмад МАГОМЕДОВ
Гульнара АБДУЛАЕВА

Газета зарегистрирована Управлением Федеральной службы по надзору за соблюдением законодательства в сфере массовых коммуникаций и охране культурного наследия по ЮФО (г. Ростов-на-Дону)
Свидетельство о регистрации ПИ № ФС 10-6401 от 15 декабря 2006 г.

При перепечатке ссылка обязательна. Набрано и сверстано на компьютерной базе газеты «Ассалам». Отпечатано в ООО «Дом печати» по адресу: пр-т Акушинского, 20

Заказ № _____

Тираж 3000 экз.

Сдано в печать 24 август 2009 г.

Индекс 51390

Адрес редакции

367015, РД, г. Махѳачкала, пр-т М. Ярагского, 128.
Тел.: (8722) 61-00-64.

По вопросам подписки и доставки обращаться по телефонам: по Республике Дагестан – 8-988-699-28-24 по г. Махѳачкале – (8722) 914-222.

E-mail: info@assalam.ru;
www.assalam.ru